



Broj: 09/2-3-16-8-7334-16/20
Sarajevo, 03.06.2020.godine

Na osnovu člana 64. stav (1). tačka b.), člana 70. stav (1), (3) i (6) te odredbi člana 72. stav (3) pod a) Zakona o javnim nabavkama BiH ("Službeni glasnik BiH", br. 39/14), u postupku javne nabavke izbora najpovoljnijeg ponuđača za nabavku kancelarijskog materijala za potrebe MVP BiH, **d o n o s i m:**

O D L U K U

o izboru drugoplasiranog ponuđača

Donosi se Odluka o izboru drugoplasiranog ponuđača „ELKOM“ d.o.o. Vitez sa ponudom broj 17/20 od 16.04.2020. godine, kojem se ujedno dodjeljuje Okvirni sporazum za nabavku kancelarijskog materijala za potrebe Ministarstva vanjskih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja Okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Ovom Odlukom se stavlja van snage Odluka o izboru najpovoljnijeg ponuđača broj 09/2-2-16-8-7334-10/20 od 13.05.2020. godine, a u skladu sa odredbama člana 72. stav (3) pod a) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-2-int-553-1/20 od 27.02.2020. godine, u kojoj je predviđeno da je procijenjena vrijednost javne nabavke za period od 24 mjeseca do 60.000,00 KM bez uključenog PDV-a.

Obavještenje o nabavci br: 253-1-1-20-3-3/20, objavljeno je na Portalu javnih nabavki dana 09.03.2020. godine, sažetak obavještenja o nabavci objavljen je u Službenom glasniku BiH br: 17 od 13.03.2020. godine, dok je ispravka obavještenja o nabavci broj 253-1-1-20-8-5/20 je objavljena dana 20.03.2020. godine, kojom je produžen rok za dostavljanje ponuda zbog vanrednog stanja i pandemije virusa COVID-19.

Nakon E-aukcije, broj postupka: 253-1-1-20/20, koja je obavljena 08.05.2020. godine istaknuta je konačna rang lista ponuđača koji su učestvovali u istoj, te je na osnovu Zapisnika o radu Komisije za javne nabavke broj JN1-16-8-int-7334-1/20 donesena Odluka o izboru najpovoljnijeg dobavljača putem otvorenog postupka zavedena pod brojem 09/2-2-16-8-7334-10/20 od 13.05.2020. godine, kojom prilikom je odabran ponuđač „PRIMAPROM“

d.o.o. Banja Luka za predmetnu nabavku kancelarijskog materijala. Rang lista nakon e-aukcije :

RED. BR.	PONUĐAČ	UKUPNA CIJENA U KM (bez PDV-a)
1.	PRIMAPROM d.o.o. Banja Luka	36.000,00 KM
2.	ELKOM d.o.o. Vitez	36.400,00 KM
3.	PLAN PLUS d.o.o. Zenica	48.400,00 KM
4.	CRO-BOX d.o.o. Sarajevo	59.963,50 KM
5.	SVJETLOSTKOMERC d.d. Sarajevo	68.903,02 KM

Navedena Odluka je dostavljena svim ponuđačima koji su učestvovali u postupku javne nabavke.

Ugovorni organ je u svojoj tenderskoj dokumentaciji tačkom 3.2. propisao između ostalog:

„ Ponuđač, u svrhu dokazivanja uvjeta iz tačke 3.2. od a) do d) ove TD, dužan je dostaviti popunjenu i ovjerenu kod nadležnog organa (organ uprave ili notar) izjavu iz Aneksa IV ove TD. Izjava ne smije biti starija od 15 (petnaest) dana od dana dostavljanja ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji **bude odabran** kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi, i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registriran;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registriran;
- c) potvrde nadležne poreske uprave ili ukoliko se radi o ponuđaču koji nije registriran u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Dokaze o ispunjavanju uslova je dužan dostaviti u roku od 5 dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.“

Ponuđaču „PRIMAPROM“ d.o.o. Banja Luka, je dostavljena Odluka o izboru ponuđača kao i zapisnik komisije, kojom prilikom je istim dopisom traženo da se postupi u skladu sa članom 45. stav (2) Zakona o javnim nabavkama BiH kao i da traženo dostave u roku od 5 dana od dana dostavljanja Odluke. Imenovani ponuđač je dana 26.05.2020. godine zaprimio Odluku o izboru najpovoljnijeg ponuđača, kao i dopis kojim se od njih traži dostavljanje dokumenata u navedenom roku. Kako do današnjeg dana imenovani ponuđač nije dostavio traženu dokumentaciju, smatra se da nije ispunio svoju zakonom propisanu obavezu.

Obzirom na naprijed navedeno, donesena je Odluka kao u dispozitivu a sve u skladu sa članom 72. stav (3) pod a), te je ponuđač „ELKOM“ d.o.o. Vitez dužan da u roku od 5 dana od prijema ove Odluke dostavi dokumentaciju u skladu sa tenderskom dokumentacijom i tačkom 3.2.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri, shodno članu 99. i 101. Zakona o javnim nabavkama.



MINISTRICA

dr. Bisera Turković

DOSTAVITI:

1. Svim učesnicima u postupku javne nabavke;
2. Evidenciji a/a.